

搜神記卷之六

高六



搜神記

目錄

高六

天妃

蚕女

青衣神

神女

白水素女

馬大仙

聖母

温孝通

孝烈將軍

高六

一

靈澤夫人

俗呼為鴟磯娘娘

順懿夫人

寨將夫人

誠敬夫人

姚娘

曹娥

二孝女

五瘟使者

五盜將軍

掠刷使

增福相公

福祿財門

門神

神荼鬱壘



鍾馗

司命竈神

廁神

開路神

律令附

翁仲二神

# 目錄畢

天妃

三月二十三日生

妃莆人宋都巡檢林愿之女生而神靈能言

人禍福沒後鄉人立廟于湄洲之嶼嶼有

興化之東南海中與琉球國相望宋宣和

中路允迪浮海使高麗中流風大作諸船



皆溺獨免迪所乘舟神降於檣遂獲安濟  
歷代累封至天妃

本朝洪武永樂中凡兩加封號今府城中有  
行祠有司春秋祭焉昔人詩

星斗斜連北

蓬瀛直指東

秋高洲嶼白

日出海波紅

蚕女

高辛時蜀有蚕女不知姓氏父為人所掠惟  
所乘馬在女念父不食其母因誓於衆曰  
有得父還者以女嫁之馬聞其言驚躍絕

繯而去數日父乃乘馬而歸自此馬嘶不  
止母以誓衆之言告父父曰誓於人不誓  
於馬脫我之難固大功所誓之言不可行  
也馬跑父怒欲殺之馬愈跑父射殺之曝  
其皮於庭皮蹶然而起卷女飛去旬日皮

高六

二

棲於桑上女化為蚕食桑葉吐絲成蜜以  
衣被於人一日蚕女乘雲駕此馬謂父母  
曰上帝以我心不忘義授以天仙嬪

### 青衣神

青衣神即蠶叢叢氏也按傳蠶叢叢氏初為蜀侯

後稱蜀王嘗服青衣巡行郊野教民蠶事  
鄉人感其德因為立祠祀之祠廟遍於西  
土罔不靈驗俗槩呼之曰青衣神青神縣  
亦以此得名云宋謝枋得蠶詩  
養口資身賴以桑 終成王道澤流長

吐絲不羨蜘蛛巧 飼葉頻催織女忙  
三起三眠時化運 一生一死命天常  
待看猷繭盆縑后 先與君王作袞裳

白水素女

素女天神也昔閩人謝端有淑行居室寒素



一日出江邊見一大螺偃仰狀如斗異而  
愛之因載之以歸畜且珍焉每外肩鑿巖  
窰返則盤殮羅具如賓筵端甚疑惧偵諸  
長老或告之曰此必若而有異畜也端乃  
悟其為螺為密伺見一姝麗甚端前禮問  
高六  
其故神亦不隱遂應之曰我天漢中白水  
素女也天帝遣我為君具食今限滿當去  
故為君所窺我去留殼與君端用以居糧  
其米常溢今福州西北三十里有螺江其  
得名由此云

馬大仙

大仙姓馬氏衢州府景陵縣人也家貧養姑  
孝傭身以資薪米恒苦不給艱險備嘗略  
無倦息一日遇異人授以仙術祝之曰感  
汝孝養持此代菽水之權母輕語大仙如  
其術日給膳養不勞餘力自是姑得所養  
善所終未幾而大仙亦隨之以示寂矣鄉  
人重之為立祠以永其祀凡禱多應水旱  
疾疫如轉圜然有李陽冰所撰碑記及  
本朝誠意伯劉基重脩馬大仙廟記



聖母

聖母海陵人長適杜氏子性好善師劉綱學  
仙術道成杜氏子不之信告官拘以圖罔  
頃之聖母已從窓隙中出去高入雲中人  
為立廟奉祭每表靈驗嘗有一青鳥在祭

所人有所祭鳥為飛遶鳴鳴若鑿受狀有  
所失問其所在鳥即集盜物之處以此道  
不拾遺元大德初更立廟於揚州江都縣  
之東六十里應響愈著

本朝加勅封焉

# 温孝通

孝通姓温氏秦女也廟在臨江府之新淦縣南八十里峽江鎮相傳秦時有温媪經程溪得巨卵藏於家生七龍放之江媪或時至江口龍輒獻嘉魚若祭養然後媪死築

真

四

於程溪之側將祀一夕雷電風雨交作走石飛沙詰旦人見墓遷於岸北之高岡鄉人異之為立祠堂唐賜廟額孝通元揭斯有記又云温媪閩城人唐太和間盧寧嘗夢媪謂曰君將為江西縣令後果宰分宜

更為立廟盧肇記

孝烈將軍

將軍名木蘭楚朱氏女也代父西征頗著勞

勦既歿人為立廟

唐封孝烈將軍今黃陂縣之木蘭山及保定

完縣俱有廟在靈應如嚮蓋黃本桑梓而  
完即其西征所云按古樂府詞

唧唧復唧唧木蘭當戶織不聞機杼聲唯

聞女嘆息昨夜見軍帖可汗大點兵軍書

二十卷卷卷有爺名阿爺無大兒木蘭無



長光願為市鞍馬從此替爺征

靈澤夫人

夫人姓孫氏吳王權之妹蜀漢昭烈帝之后也相傳權用周瑜詐計迎后於荊州舟次荻港后乃識其詐遂自沉江又云聞昭烈

高六

五

帝崩哀毀投江自盡後人立廟於蠓磯山之上蓋其藏所即今蕪湖縣西是也歷著靈異我

太祖高皇帝龍飛渡江陰兵實助既登極勅封靈澤夫人益新廟貌有

御製律詩刻於廟額騷人墨客通有吟咏至  
今為大江中一奇跡而神逾應嚮云

順懿夫人

按楓涇雜錄云唐大曆中閩古田縣有陳氏  
女者生而穎異能先事言有無輒驗嬉戲  
每剪為蝶之類嘖之以水即飛舞上下啣  
木為尺許牛馬呼呵以令其行止一如其  
令飲食遇喜升斗輒尽或碎穀數日自若  
也人咸異之父母亦不能禁未字而歿附  
童子言事鄉人以水旱禍福叩之言無不

驗遂立廟祀焉宋封順懿夫人代多靈跡  
今八閩人多祀之者

寨將夫人

夫人姓虞有廟在英德縣之麻寨岡舊傳唐  
末黃巢破西衡州虞氏躬披甲冑率兄弟  
及鄉兵戰禦巢賊遂北虞氏亦死鄉人即  
其死所立廟祀之大有靈應宋嘉泰間有  
賊將統衆道經麻寨岡忽有風雷雨雹自  
廟而出賊大惧棄甲曳兵而去鄉里賴以  
無恐事聞賜廟額曰真助嘉定間又小有



警鄉兵禱于廟而與戰一日三捷賊為解  
散加封正順顯佑夫人林子升作記及宋  
末之亂元兵殘破惟英德遠近安堵說者  
謂皆神之功

誠敬夫人

高六

六

夫人沈氏高涼人陳高州太守馮寶妻隋初  
平陳嶺南共推沈氏為主保境拒守既而  
降隋厥后高州刺史李遷任及番禺夷王  
仲宣等反夫人又皆討平之累封至譙國  
夫人卒謚誠敬廟在今電白之縣治東旁

邑俱有行祠無不嚮應宋蘇軾詩

馮洸古烈婦

翁媪國于茲

策勲梁武后

開府隋文時

三世更險夷

一心無磷緇

錦繖平積亂

犀渠破余疑

本朝洪武初封為高涼郡夫人歲以仲冬月

祭之

姚娘

姚氏名貞淑漢河平間居民女也廟在博羅

係東莫村後而有神教祠於此宋陳堯佐

權守惠州攜潮士許申偕行艤舟於岍俄  
有介冑百輩指呼甚嚴云今夕丞相漕使  
會宿於此少有踈虞不肩堯佐異之明日  
訪其地有姚娘神廟在焉后堯佐拜相申  
任本路轉運使一如其言又博羅之西梁  
時陳氏女高六父應志年八十卒獨一女女哀  
毀過甚亦卒鄉人像而祠之漢封昌福夫  
人其神頗靈禱雨有應

曹娥

娥上虞人父名盱能絃歌為巫祝漢安初五



月五日於縣江淝潮迎神溺死不得屍娥  
年十四乃沿江號哭晝夜不絕聲旬有七  
日遂投江而死元嘉中立廟於紹興之府  
城東邯鄲子作碑文蔡邕題云黃絹幼婦  
外孫壘白即此廟著靈應鄉人崇祀之不

置

又邑有朱娥者育於祖媪里人有欲殺媪  
者娥年十歲突前持救被刃十餘以死肖  
像配身曹娥云

二孝女

孝女唐時人金谿葛祐女也邑有銀場典其事者即祐銀耗竭產不能償二女不忍其父荼毒赴冶而死父得釋場亦為罷後有一少年讀書於邑之翠雲寺持漏下三更月明雲淡聞有笙鏞聲來自西北推戶視

之見祥雲瑞靄掩映迴環道從旌蓋一一如昭儀然有二女仙端坐其上少年急避之二女呼謂之曰母恐我葛氏女也上帝嘉我孝行授以玉清宮正乙之職今將歷十洲謁王母善為我語家人少年異之人

為立廟最靈應云

五瘟使者

九月初三日生

隋文帝見五力士凌空三五丈長身披五方

袍一人執杓子觀子一人執皮袋并劍一  
人執扇一人執鎚一人執火壺帝問太史

高

八

居仁曰此何神注何災福張居仁奏曰此  
五方力士乃天之五鬼名曰五瘟使者現  
之則民有瘟疫帝曰可治而免乎居仁曰  
無法可治於是國人病死者衆帝乃立祠  
詔青袍力士封顯聖將軍紅袍力士封顯



應將軍白袍力士封感應將軍黑袍力士  
封感成將軍黃袍力士封感威將軍隋唐  
皆用五月五日祭之

### 五盜將軍

五盜將軍者即宋廢帝永光年間五盜寇也

於本地方作亂為盜後景和三年帝遣大  
將張洪破而殺之於新封縣之比後五人  
又作怪降崇於死之鄉祭之者皆呼為五  
盜將軍即今時之所謂賊神是也

一 杜平 二 李思 三 任安 四 孫立

五耿彥正

掠刷使

掠刷使者姓裴名璞杜陵韋元方外兄也璞  
任邠州新平縣尉元和五年璞卒於官長  
慶初元方下第將客於隴右出開遠門數

高六

九

十里抵偏店將甜見前武吏躍馬而來騎  
從數十而貌似璞見元方若識而急下馬  
避之入茶邸垂簾於小室中其徒御散坐  
簾外元方疑之亦入其邸及褰簾入見真  
裴璞也元方驚喜拜之曰兄去人間復効

武職何也陰吏之剋剋如此乎璞曰吾為  
陰官職掌武士故武飾耳元方曰何官曰  
隴右西川掠刷使耳曰何所典耶曰吾職  
司人剋財而掠之元方曰何謂剋財璞曰  
人之轉貨求丐也命當得此忽遇物之稍  
稀或主人深顧所得乃踰數外數外之財  
即謂之剋故掠之焉元方曰安知其剋而  
掠之璞曰主人一飲一酌無非前定况財  
寶乎陰司所籍其獲有限獲而踰數陰吏  
乃刷而掠之也元方曰所謂掠者奪之於



囊耶竊之於懷耶璞曰非也當數而得一  
一有成數外之財為吾所運或令虛耗或  
索橫事或買賣不及常價殊不關身尔始  
吾之生也嘗謂商勤得財農勤得穀士勤  
得祿只歎其不動而不得也然則覆舟之  
商旱歲之農屢空之士豈不動乎而今乃  
知勤者德之基學者善之本德與善乃理  
身之道耳亦未足以邀財而求祿也子之  
逢吾亦是前定合得白金二斤遇此遺子  
又當復掠故不敢厚子之是行也故甚厚

而分甚薄於涇殊無所得諸鎮平平尔人  
生有命時不參差以道靜觀無復躁撓勉  
之哉璞以公事湏入城中陰冥幽密不及  
多言乃冉冉而別

增福相公

九月十七日生

奠

十

李相公諱詭祖在魏文帝朝治相府事白日  
管陽間决斷邦国寃滯不平之事夜判陰  
府是非狂錯文案兼管隨朝三品以上官  
人衣飲祿料及在世居民每歲分定合有  
衣食之祿至後唐明宗朝天成元年贈為

油號

增福相公

福祿財門

福祿者本道州刺史楊公諱成字昔漢武帝  
愛道州矮民以為宮奴玩戲其道州民生  
男選揀侏儒好者每歲不下數百人使公  
孫父母與子生別自刺史楊公守郡以表  
奏聞天子云臣按部典本土只有矮民無  
矮奴也武帝感悟省之自后更不復選郡  
人德之立祠繪像供養以為本州福神後



神 天下士庶皆繪像以歛之以為福祿財門之

門神

神即唐之秦叔保胡敬德二將軍也按傳唐太宗不豫寢門外拋磚弄瓦鬼魅號呼六

真

十一

院三宮夜無盜刻太宗懼以告群臣叔保奏曰臣平生殺人如摧枯積屍如聚蟻何懼小鬼乎頌同敬德戎裝以伺

太宗可其奏夜果無盜太宗嘉之謂二人守夜無眠因命画工圖二人之像全裝怒

髮一如平時懸于宮掖之左右門邪崇以  
息後世沿襲遂永為門神云西遊記小詞  
有本是英雄豪傑舊勲臣只落得千年稱  
戶尉萬古作門神之句

神荼 鬱壘

東海度朔山有大桃樹蟠屈三千里其卑枝  
向東北曰鬼門萬鬼出入也有二神一曰  
神荼一曰鬱壘主閱領衆鬼之出入者執  
以飼虎於是黃帝法而象之因立桃板之  
制也蓋其起自黃帝故後世畫神像於枝

上猶於其下書左神荼右鬱壘以元日置之門戶

鍾馗

唐明皇開元中講武驪山還宮疾作書夢一小鬼絳衣犢鼻跣一足履一足盜太直繡

高六

香囊及上玉笛繞殿奔戲上叱問之小鬼曰臣乃虛耗也上曰何謂虛耗小鬼曰望空虛中盜人物耗人家喜事上怒欲呼武士忽一大鬼破帽藍袍角帶朝靴先劄小鬼目後擘而啖之上問何人奏曰臣終南



山進士鍾道應舉不捷羞歸故里觸殿階  
而死奉旨賜綠袍葬我感恩祭祀與王除  
天下虛耗妖孽言記夢覺疾瘳詔吳道子  
圖其像

司命竈神

八月初三日生

神姓張名单字子郭狀如美女夫人字卿忌  
有六女皆名察即六癸女也白人罪狀大  
者奪紀二三百日小者奪筭一二百日故  
為天地督使凡治竈於屋中央口向西竈  
四邊令去釜九寸以磚及細土構之勿令

穿折竈神以壬子日死不可用此日治竈  
五月辰日猪頭祭竈令人治生萬倍利益  
雞毛入竈有非禍犬骨入竈出狂子正月  
巳巳日白雞祭竈宜蚕五月巳丑祭竈吉  
四月丁巳日祭竈吉神衣黃披髮從竈中  
出知其名呼之可除凶惡云

廁神

廁神者萊陽縣何氏女名婿字廉卿自幼讀  
書辨利唐垂拱三年壽陽刺史李景納為  
妾其妻妬之遂陰殺之置其屍於廁中魂

遠不散如廁每聞啼哭聲時隱隱出現且有兵刃呵喝狀自是大著靈異人為屍祝之懸箕而降能知禍福神死於正月十五故獨顯靈於正月也

### 開路神

高六

十三

神即周禮之方相氏是也相傳軒轅皇帝周遊九垓元妃螺祖死於道令次妃好如監護因買相以防夜蓋其始也俗名陰道神一名阡陌將軍一名開路神

律令令平  
聲



雷部健兒善走與雷相疾速故符咒云急急  
如律令謂此

翁仲二神

魏明帝鑄銅為二神人號翁仲置司馬門外  
按古長人見為國亡長秋見臨洮為秦亡  
之禍始皇反以為祥鑄銅象之

搜神記 終



大明萬曆三十五年歲次丁未上元吉日  
正一嗣教凝誠至道闡玄弘教大真人  
掌天下道教事張國祥奉

旨校梓

搜神記卷之六

高六

十四



Large stylized Chinese characters, likely a title or chapter heading, rendered in a bold, blocky font. The characters are partially obscured by a large watermark.





